

Bugis - Asalama Kitta'è - Salvation Scriptures

Efesus 2:2 Iyaro wettuè muwaccowèriwi sining abiyasanna linoèwè; bettuwanna matinuluko lao ri panguwasana langi marajaè iyanaritu roh iya makuwasaiyèngngi makkekkuwangngè atinna sining tau iya dè'è namatinulu lao ri Jehovah.

Matius 6:10 Iko ritu Arutta. Tennapodo mapparènta-Ko ri linoè, na èlo-Mu riturusi pada-pada ri surugaè.

Lukas 22:42 adan-Na, "Ambo', rèkko weddingngi, pabèlaiwi polè ri Iyya anrasa-rasang iya harusu'è Upèneddingi. Iyakiya aja' nasituru èlo-Ku, sangadinna situru èlona Ambo' bawang. "

Yohanes 16:7-9 Iyakiya Upowadai iya tongengngè lao ri iko: Lebbi kessing muwi untu' iko, rèkko lao-Ka; saba' rèkko dè' Ulaø, iyaro Pattulungngè dè' matu napolè ri iko. Iyakiya rèkko lao-Ka, Usoroi matu Alèna lao ri iko. 8 Rèkko polèi, napannessai matu lao ri linoè bettuwang tonget-tongenna dosaè, polè ri aga iya tongengngè, sibawa polè ri pahukkungenna Jehovah. **9 Napannessai matu makkedaè dè' namateppe' ri Iyya iyanaritu dosa;**

2 Timotius 2:10 Iyanaro saba'na nausabbara tanggung manengngiro untu' apentingenna sining tau iya puraè Napilè Jehovah, kuwammengngi nalolongetto mennang asalamakeng iya riyabbèrèyangngè naolai Kristus Yèsus, sibawa iya nasibawangngè arajang mannennungengngè.

Roma 15:20,21 Cita-citaku iyanaritu mabbirittangngi Karèba Madècèng polè ri Jehovah risining tau iya dè'èppa naengka naèngkalingai passalenna Kristus. Saba' dè' umaèlo patettong jamang ri pandamèng iya napalènne'è tau laingngè. **21** Ri laleng Kitta'è tarokii, "Sining tau iya dè'èppa naengka natarima karèba passalenna Alèna, naitai matu; sibawa iya dè'èppa naengka naèngkalingai, najeppuwi matu."

Rasul-Rasul-E 2:36,37 Iyanaro saba'na sininna tau Israèliè harusu'i naisseng tonget-tongeng makkedaè iyaro Yèsus iya musalliè, Yèsus èttonaro pura napancaji Jehovah mancaji Puwang sibawa Arung Pappassalama'è!" **37** Wettunna naèngkalinga iyaro sining tauwè, masè senna'ni atinna mennang. Nainappa mennang makkutana ri Pètrus sibawa rasul-rasul laingngè, "Saudara-saudara, aga harusu' ripogau?"

Ibrani 4:2 Saba' iyaro Karèba Madècèngngè purani riyabbirittang ri idi pada-pada lao ri mennang. Namuni lao ri mennang, iyaro birittaè dè'gaga gunana. **Saba' wettunna mennang naèngkalinga, dè' mennang namateppe'.**

Yèrèmia 24:7 - Matius 22:37 Nappèbali Yèsus, "Amasèiwi Puwang Jehovahmu sissukku atimmu, sibawa sissukku nyawamu, enrengngè sininna akkalemmu.

Rasul-Rasul-E 16:14 Sèddi polè ri yelle'na mennang iyanaritu padangkang kaing lango-lango, asenna Lidia sibawa assalenna polèi ri Tiatira. Namasèiwi Jehovah, naripakèdona atinna ri Puwangngè kuwammengngi natarimai aga nappagguruwang Paulus lao ri alèna.

Matius 13:14-16 Ri lalennaè kajajiyangngi iya nabotoè Nabi Yèsaya, 'Makkedai Jehovah: Matteru-terui matu mennang marèngkalinga iyakiya dè' mupahangngi; matteru-terui matu mennang pènessaiwi iyakiya dè' muwissengngi aga kajajiyang. 15 Saba' makunruni pikkiranna sining tauwè, mataru-taruni daucculinna sibawa napappeddenni matanna mennang. Kajajiyangngi iyaè kuwammengngi aja' nakkita matanna mennang, aja' namarèngkalinga daucculinna mennang, aja' nappahang pikkiranna mennang na aja' nalisu ri Iyya, na-Upajjappai mennang.' " 16 Nakkedai Yèsus lao ri ana'-ana' gurun-Na, "Iyakiya temmaka upe'mu iko, saba' tonget-tongengngi muwita sibawa muwèngkalinga.

Yèsaya 6:9,10 - Rasul-Rasul-E 28:27 Saba' atinna iyaè bangsaè madonggoi, nalape'i daucculinna, sibawa nasampoi matanna. Saba' rèkko dè' nakkuwaro, tentu makkital matu matanna, marèngkalingai matu daucculinna, mappahangngi matu atinna, nalisu matu mennang ri alè-Ku, 'adanna Jehovah, 'Na-Upajjappai matu mennang.' "

Markus 4:11,12 Nakkedana Yèsus lao ri mennang, "Purano riwèrèng pammase untu' missengngi rahasiyana passalenna pèkkugi Jehovah mapparènta. Iyakiya sining tau saliwengngè ripaggurui sibawa pakkalarapangeng, 12 kuwammengngi 'Natonget-tongengngi matu mennang makkita, iyakiya dè' nakkita, matterui matu mennang marèngkalinga, iyakiya dè' nappèjeppu, kuwammengngi naaja' mennang nakkita sibawa mappèjeppu naaja' napolè ri Jehovah nariyaddampengeng mennang ri Jehovah." "

Yohanes 12:39,40 Iyanaro saba'na dè' naullèi mennang mateppe', saba' pura towi makkeda Yèsaya, "Makkedai Jehovah, 40 'Upabutai matanna mennang, mèbbui mennang matedde ati; kuwammengngi dè' nakkita matanna mennang, aja' nappèjeppu pikkiranna mennang. Kuwammengngi aja' mennang nalisu ri Iyya, na-Upajjappai mennang.' "

Roma 11:7,8 Jaji, pèkkugi? Umma' Israèliè dè' nalolongengngi aga iya nasappaè mennang. Iya lolongengngènngi banna sèddi golongang baiccù tau iya puraè napilè Jehovah. Iya maneng laingngè mancajiwi matedde ati lao ri pangobbina Jehovah. 8 Saba' ri laleng Kitta'è tarokii makkuwaè, "Jehovah mèbbui atinna sibawa pikkiranna mancaji madonggo; nanarapi makkekkuwangngèwè matanna dè' naullèi makkita sibawa daucculinna dè' naullèi marèngkalinga."

2 Tesalonika 2:10,11 Napakèi matu sininna bellè iya majaè untu' papusai sining tau iya maèloè binasa. Binasi matu mennang saba' nasampèyangngi sibawa dè' napojiwi biritta iya tongengngè iya polè ri Jehovah iya weddingngè passalama'i mennang. 11 Iyanaro saba'na na Jehovah napapolèngengngi mennang sèuwa akuwasang iya papusaèngngi mennang, angkanna mateppe'i mennang lao ri aga iya dè'è natongeng.

Matius 13:18-23 "Engkalingani bettuwanna pakkalarapangeng passalenna pangampoèro. 19 Binè iya teppaè ri lalengngè maddapangengngi tau iya mèngkalingaèngngi karèba passalenna pèkkugi Jehovah mapparènta,

iyakiya dè' napahangngi. Polè Ibillisi'è narampasa'i aga iya pura riyampoè ri laleng atinna mennang. 20 Binè iya teppaè ri tana mabbatu-batuè, maddapangengngi tau iya mèngkalingaèngngi iyaro karèbaè, namatteru natarima sibawa masennang atinna. 21 Iyakiya iyaro karèbaè dè' nakkure' ri laleng atinna mennang, angkanna dè' natahang maitta. Lolongenna mennang asussang iyarè'ga paccallang nasaba iyaro karèbaè, matteruna mennang massakka. 22 Binè iya teppaè ri tengnga-tengngana alekale maddoriè maddapangengngi tau iya mèngkalingaèngngi iyaro karèbaè, iyakiya bata-batai passalenna atuwonna mennang sibawa macinnai magello atuwo-tuwonna. Rimakkuwannanaro iyaro karèba polè ri Jehovah tassipii ri laleng atinna mennang angkanna dè' nakkèbuwa. 23 Na binè iya teppaè ri tana macommo'è maddapangengngi tau iya mèngkalingaèngngi iyaro karèbaè sibawa napahanna. Mabbuwai mennang maèga, engka sèratu, engka enneng pulona, na engkato leppe' wèkkatelluppulo wassèlè'na."

2 Korintus 3:15,16 Muwi makkekkuwangngè, rèkko nabacai mennang kitta'-kitta'na Musa, iyaro bowongngè natongko mupi pikkiranna mennang. 16 Iyakiya rèkko sèddiè tau polèi mangolo ri Puwangngè, riyakka toni iyaro bowongngè polè ri rupanna iyaro tauwè.

Hosèa 11:3-7 - Matius 11:28-30 Laono mai ri Iyya iko maneng posoè sibawa pèneddingiyèngngi tane'na tiwiè; maèlo-Ka pètakkariko. 29 Accowèriwi parènta-Ku sibawa agguruno ri Iyya. Saba' Iyya'è malemma kininnawaka, namatakka matu pèneddimmu. 30 Nasaba pasennangi sining parènta-Ku, sibawa maringeng tiwi iya Upatiwiriyèkko.

Rasul-Rasul-E 26:18 untu' pakkital matanna, kuwammengngi nassu polè ri pettangngè nanauttama ri laleng cakkaè; kuwammengngi naleppe polè ri pangarunna Ibillisi'è, narikuwasai ri Jehovah. Na ri laleng mateppe'na ri Iyya, riyaddampengengngi matu dosa-dosana sibawa mancajiwi matu mennang anggotana umma'na Jehovah iya ripilè.

2 Timotius 2:24-26 Tau iya majjamaè untu' Puwangngè dè' nasipato mappangèwang; harusu'i mabessa lao ri sininna tauwè, sibawa naullèi paggurai tauwè sibawa makessing enrengngè sabbara. 25 Harusu'i nasibawang lemma kininnawa paggurai sining tauwè iya pojiyèngngi mèwa; memmuwarè Jehovah mpèrèngngi wettu lao risining tauwèro untu' toba' polè ri dosa-dosana mennang sibawa missengngi pappagguruwang iya tongengngè. 26 Nanallalengiro namainge' mennang paimeng, sibawa leppe' polè ri siyo-siyona Ibillisi' iya puraè tawangngi mennang sibawa passai mennang maccowèriwi èlona.

Wahyu 3:17-19 Makkedako, 'Sugiki enrengngè genne maneng; dè' taakurangeng aga-aga. ' Iyakiya dè' muwissengngi pèkkugi kasiyasimmu sibawa pèkkugi mappakaessè-essèna keadaammu! Kasiyasiko, mallusu-lusu, enrengngè buta. 18 Rimakkuwannanaro Upangajariko kuwammengngi melli ulaweng polè ri Iyya, iyanaritu ulaweng iya tulèngngè, kuwammengngi

mumancaji sugi. Elli tokko pakèyang putè polè ri Iyya kuwammengngi muwappakèyang enrengngè tongkoi keadaammu iya mallusu-lusuè sibawa mappakasiri-siriè. Sibawa elli tokko pabbura untu' riyassapuwang ri matammu kuwammengngi namuwullèi makkita. 19 Sining tau iya Uwamasèiyè, mennang ritu Uwampareng enrengngè Ucambu. Rimakkuwannanaro sitinajako masumange', sibawa toba'no polè ri dosadosamu.

2 Korintus 7:10 Saba' amessèng iya pada-padaèro powassèlè'i atappinrang ati iya mappapolè asalamakeng. Nadè' nassesse kalè matu tauwè lao ri gau'èro. Sibalè'na, amessèng iya situruè èlona tolinoè powassèlè'i amatèng.

1 Arungngè 18:37 - God turned heart back to God

2 Korintus 4:4 Dèwata maju iya makuwasaèngngi linoèwè tongkoi pikkiranna sining tau iya dè'è namateppe'ro. Iyanaritu lawa-lawaiwi mennang kuwammengngi mennang dè' naitai tajang polè ri Karèba Madècèngngèro passalenna arajanna Kristus, iya maddapangengngèngngi gambara'na Jehovah.

Lukas 8:11-15 "Iyanaè bettuwanna iyaro pakkalarapangngè: Iyaro binè iyanaritu ada-adanna Jehovah. 12 Binè iya teppaè ri lalengngè sinrupai sining tau iya mèngkalingaèngngi ada-adaèro. Iyakiya polèi Ibillisi' nanarampasa'i iyaro karèbaè polè ri atinna mennang, kuwammengngi naaja' namateppe' sibawa ripassalama'. 13 Binè iya teppaè ri onrong iya mabbatu-batuè sinrupai tau iya ri wettu naèngkalingana iyaro karèbaè, natarimai sibawa masennang atinna. Iyakiya iyaro karèbaè dè' nakkure' ri laleng atinna. Cinampe'mi bawang mateppe', ri wettu polèna paccobangngè massakkai mennang. 14 Binè iya teppaè ri tengngana alekale' maddoriè sinrupai tau iya mèngkalingaèngngi iyaro karèbaè, iyakiya bata-batai passalenna atuwonna mennang enrengngè macinnana tuwo massennas-sennang sibawa napojinna ri laleng linoèwè. Iya manennaro sipii mennang angkanna dè' napowassèlè' buwa iya matasa'è. 15 Binè iya teppaè ri tana macocommo'è sinrupai tau iya mèngkalingaèngngi iyaro karèbaè, sibawa natarona ri laleng atinna iya makessingngè namalempu. Mattahangngi mennang narapi powassèlè' buwa. "

Rasul-Rasul-E 15:11 Sibalè'na, mateppe'ki makkedaè ripassalama'ki nasaba paressè babuwana Puwang Yèsus; makkuwatoro mennang.

Roma 8:13 Nasaba rèkko tuwoko situru sipa' tolinoè, matèko matu; iyakiya rèkko nasibawang akuwasanna Rohna Jehovah, matteruko bawang mpunoi pangkaukeng-pangkaukemmu iya madosaè, tuwoko matu.